

1104.

Na osnovu člana 12 stav 5 i člana 14 stav 5 Zakona o zdravstvenoj zaštiti bilja („Službeni list RCG“, broj 28/06 i „Službeni list CG“, br. 28/11 i 48/15), Ministarstvo poljoprivrede, šumarstva i vodoprivrede donijelo je

PRAVILNIK
O FITOSANITARNIM MJERAMA ZA SPREČAVANJE ODOMAĆIVANJA I ŠIRENJA ŠETNOG ORGANIZMA
AGRILUS PLANIPENNIS FAIRMAIRE*

Predmet

Član 1

Ovim pravilnikom propisuju se fitosanitarne mjere za sprečavanje odomaćivanja i širenja šetnog organizma *Agrilus planipennis* Fairmaire (u daljem tekstu: šetni organizam) na teritoriji Crne Gore, kao i fitosanitarne mjere za njegovo iskorjenjivanje (*eradication*) ako se utvrdi njegovo prisustvo na određenom području.

Značenje izraza

Član 2

Izrazi upotrijebljeni u ovom pravilniku imaju sljedeća značenja:

- 1) **određeno bilje** je bilje *Chionanthus virginicus* L. i *Fraxinus* L., osim plodova, sjemena, polena i bilja u kulturi tkiva;
- 2) **posebni nadzor radi razgraničenja** (*delimiting survey*) je učestali postupak za utvrđivanje granica područja za koje se smatra da je infestirano šetnim organizmom ili da je slobodno od šetnog organizma;
- 3) **određeno drvo ili kora** je drvo, izolovana kora ili drugi predmeti proizvedeni od drveta i kore od bilja *Chionanthus virginicus* L. i *Fraxinus* L.;
- 4) **lovna stabla** su određeno bilje sa kojeg je uklonjena kora i koje se upotrebljava kao podrška ranom otkrivanju određenog šetnog organizma.

Posebni nadzor

Član 3

(1) Radi utvrđivanja prisustva šetnog organizma, organ uprave nadležan za zdravstvenu zaštitu bilja (u daljem tekstu: Uprava) sprovodi godišnje posebne nadzore u skladu sa rizikom od njegovog prisustva na dijelovima teritorije Crne Gore na kojima nije poznato da se pojavljuje ovaj šetni organizam.

(2) Organizacija (dizajn) i šema uzorkovanja posebnog nadzora treba da omoguće da se uz dovoljno visok nivo pouzdanosti, otkrije nizak nivo prisustva šetnog organizma na infestiranom bilju, s tim da se posebni nadzor vrši u skladu sa EFSA Smjericama za statistički pouzdane i na riziku zasnovane posebne nadzore nad *Agrilus planipennis* uzimajući u obzir rizik od prirodnog širenja šetnog organizma (EFSA, *Guidelines for statistically sound and risk-based surveys of Agrilus planipennis*).

(3) Posebni nadzori sprovode se:

a) na otvorenom, na prirodnim i urbanim područjima, stajalištima duž glavnih puteva, željeznicama i drugim putevima transporta, kao i u rasadnicima, vrtnim centrima, trgovačkim centrima za prodaju određenog bilja, drveta i kore, pilanama za tvrdo drvo, i drugim odgovarajućim mjestima;

b) u odgovarajuće doba godine s obzirom na mogućnost otkrivanja šetnog organizma, uzimajući u obzir biologiju tog šetnog organizma, prisustvo i biologiju određenog bilja, kao i naučne i tehničke informacije navedene u EFSA Kartici sa informacijama za nadzor šetnog organizma-

(4) Posebni nadzori obuhvataju sljedeće radnje:

- a) postavljanje klopki za šetni organizam, što može uključivati upotrebu lovnih stabala;
- b) vizuelni pregled biljaka domaćina, na odgovarajućim mjestima;
- c) u slučaju sumnje, uzorkovanje i testiranje bilja za sadnju, određenog drveta, uključujući rezane grane i drveni materijal za pakovanje; i
- d) upotrebu posebno dresiranih pasa tragača, na odgovarajućim mjestima.

Uspostavljanje obilježеног područja

Član 4

(1) Ako se prisustvo šetnog organizma službeno potvrdi, Uprava bez odlaganja uspostavlja obilježeno područje (*demarcated area*) koje se sastoji od:

a) zaraženog područja (*infested zone*) u krugu od 100 m oko infestiranog bilja, uključujući bilje infestirano šetnim organizmom i svo određeno bilje koje bi se moglo infestirati;

b) sigurnosnog područja (*buffer zone*) širine od najmanje 10 km od granice zaraženog područja.

(2) Razgraničenje obilježеног područja zasniva se na naučnim principima, biologiji šetnog organizma, nivou infestacije, specifičnoj rasprostranjenosti biljaka domaćina na tom području i dokazima o odomaćivanju šetnog organizma.

(3) Nakon početnog uspostavljanja i obilježavanja zaraženog područja odmah se sprovodi posebni nadzor radi razgraničenja (*delimiting survey*), čiji plan (dizajn) i šema uzorkovanja omogućavaju otkrivanje, sa najmanje 95 % nivoom pouzdanosti, 1 % prisustva zaraženog bilja.

(4) Posebni nadzor radi razgraničenja zasniva se na EFSA Smjericama za statistički pouzdane i na riziku zasnovane posebne nadzore nad šetnim organizmom *Agrilus planipennis*; i uključuje uzorkovanje grana ili druge odgovarajuće metode kojima se šetni organizam može otkriti prije nego što se pojavi.

(5) Uprava u obilježenim područjima informiše javnost i podiže svijest javnosti o prijetnji koju predstavlja šetni organizam i o mjerama donesenim za sprečavanje njegovog daljeg širenja izvan tih područja.

(6) Uprava obezbjeđuje da profesionalni subjekti i šira javnost budu upoznati sa razgraničenjem obilježenih područja.

(7) Uprava može odlučiti da smanji poluprečnik sigurnosnog područja na osnovu informacija o veličini zaraze, gustini rasprostranjenja određenog bilja, porijeklu i dužini trajanju izbijanja odnosno prisustva štetnog organizma (*outbreak*).

(8) U slučaju iz stava 7 ovog člana Uprava odmah izvještava Evropsku Komisiju i druge države članice o tom smanjenju i razlozima na kojima se ono zasniva.

Odstupanja od uspostavljanja obilježenog područja

Član 5

(1) Izuzetno od člana 4 ovog pravilnika, Uprava može odlučiti da ne uspostavlja obilježeno područje ako:

a) postoje dokazi da je štetni organizam unesen na određeno područje sa biljem ili biljnim materijalom na kojem je štetni organizam otkriven i da je to bilje bilo zaraženo prije unošenja na to područje i da se štetni organizam nije razmnožio ili je riječ o izolovanom pronalasku/slučaju pa se ne očekuje da će doći do odomaćivanja štetnog organizma; i

b) na osnovu rezultata posebnog istraživanja i preduzetih mjera iskorjenjivanja utvrđeno je da se štetni organizam nije odomaćio i da širenje i uspješno razmnožavanje štetnog organizma nije moguće zbog njegove biologije.

(2) Ako se primjenjuje odstupanje iz stava 1 ovog člana, Uprava:

a) odmah preduzima mjere kojima se obezbjeđuje brzo iskorjenjivanje štetnog organizma i otklanja mogućnost njegovog širenja;

b) na odgovarajućim mjestima odmah povećava broj klopki i učestalost njihovog provjeravanja na tom području;

c) odmah intenzivira vizualne preglede radi provjere prisustva odraslih jedinki štetnog organizma (*adult*), u kombinaciji sa uzorkovanjem grana ili drugim odgovarajućim metodama kojima se štetni organizam može otkriti prije nego što se pojavi;

d) tokom najmanje jednog životnog ciklusa štetnog organizma i jedne dodatne godine, vrši posebni nadzor područja širine od najmanje 1 km oko infestiranog bilja ili od mjesta na kojem je pronađen štetni organizam, redovno i intenzivno tokom perioda leta štetnog organizma;

e) obezbjeđuje sljedljivost do izvora infestacije i sljedivost bilja, drveta, kore i drugih objekata povezanog sa štetnim organizmom i vrši njihov pregled radi otkrivanja znakova infestacije, uključujući uzorkovanje grana i ciljano uzorkovanje destrukcionom metodom;

f) obavještava javnost radi podizanja svijesti o prijetnji koju predstavlja štetni organizam; i

g) preduzima druge mjere koje mogu pomoći u iskorjenjivanju štetnog organizma, uzimajući u obzir ISPM br. 9 i primjenjujući integralni pristup u skladu sa principima tandarda ISPM br. 14.

Posebni nadzor u obilježenom području

Član 6

(1) Uprava u obilježenim područjima sprovodi intenzivne godišnje posebne nadzore, radi otkrivanja prisutstva štetnog organizma, uzimajući u obzir informacije u EFSA Kartici sa informacijama za nadzor štetnog organizma *Agrilus planipennis* (*Pest Survey Card on Agrilus planipennis*).

(2) Pri planiranju nadzora (dizajn) uzimaju se u obzir Smjernice za statistički pouzdane posebne nadzore nad štetnim organizmom *Agrilus planipennis* zasnovane na riziku. Plan nadzora (dizajn) i šema uzorkovanja koja se upotrebljava za posebni nadzor radi otkrivanja prisustva mora biti u mogućnosti da sa najmanje 95 %-tnom pouzdanošću otkrije nivo prisustva štetnog organizma od 1 %.

(3) Godišnji posebni nadzori sprovode se u skladu sa članom 2 st. 3 i 4 u sigurnosnim područjima radi otkrivanja prisustva štetnog organizma i u zaraženim područjima radi praćenja njegovog prisustva na tim područjima.

Ukidanje obilježenog područja

Član 7

Obilježeno područje može se ukinuti ako se na osnovu posebnih nadzora iz člana 6 štetni organizam ne pronađe u obilježenom području tokom najmanje najmanje četiri uzastopne godine.

Fitosanitarne mjere za iskorjenjivanje štetnog organizma

Član 8

(1) Nakon početnog uspostavljanja obilježenog područja i istovremeno sa vršenjem posebnih nadzora radi razgraničenja, Uprava u obilježenom području preduzima sve sljedeće fitosanitarne mjere za iskorjenjivanje (*eradication*) štetnog organizma:

a) hitna sječa infestiranog bilja i bilja za koje se sumnja da je zaraženo na nivou zemljišta;

b) hitna sječa na nivou zemljišta svog određenog bilja u krugu od 100 m oko infestiranog bilja kao i pregled tog određenog bilja radi otkrivanja znakova infestacije, osim ako je infestirano bilje otkriveno van perioda leta određenog štetnog organizma, kad se sječa bilja i uklanjanje korijenja sprovode prije početka sljedećeg perioda leta;

c) uklanjanje, pregled i sigurno odlaganje bilja posječenog u skladu sa tač. a i b ovog člana, uz preduzimanje svih potrebnih mjera opreza kako bi se spriječilo širenje štetnog organizma tokom i nakon sječe;

d) pregled odnosno ispitivanje i bezbjedno uklanjanje drveta i kore koje je povezano sa infestacijom, uz preduzimanje svih potrebnih mjera opreza kako bi se spriječilo širenje štetnog organizma;

e) zabrana svakog premještanja potencijalno zaraženog materijala iz obilježenog područja;

f) istraga izvora infestacije praćenjem porijekla bilja, drveta, kore i drugih objekata povezanih sa infestacijom i njihovo ispitivanje odnosno pregled radi otkrivanja znakova infestacije, uključujući uzorkovanje grana i ciljano uzorkovanje destrukcionom metodom;

g) zamjena određenog bilja drugim biljnim vrstama koje nisu osjetljive, gdje je to odgovarajuće;

h) zabrana sadnje novog određenog bilja na otvorenom, na području iz tačke b, osim određenog bilja namjenjenog kao klopke odnosno lovna stabla;

i) ako se upotrebljavaju lovna stabla, vršiti redovne preglede tih stabala i njihovo uništavanje i pregled prije sljedećeg perioda leta;

j) informisanje javnosti radi podizanja svijesti o prijetnji koju predstavlja štetni organizam i o mjerama donesenim za sprečavanje njegovog unošenja i širenja na teritoriju Crne Gore, uključujući uslove u pogledu premještanja određenog bilja iz obilježenog područja;

k) prema potrebi, posebne mjere za rješavanje iznenadnih situacija ili komplikacija za koje se opravdano smatra da mogu spriječiti, omesti ili odgoditi iskorjenjivanje, a posebno onih koje su povezane sa dostupnošću i prikladnim iskorjenjivanjem svog infestiranog bilja ili bilja za koje se sumnja da je infestirano, bez obzira na njegovu lokaciju, javno ili privatno vlasništvo kao i fizičko lice ili subjekt koji je za njega odgovoran;

l) sve druge mjere koje mogu doprinijeti iskorjenjivanju štetnog organizma, u skladu sa Međunarodnim standardom za fitosanitarne mjere („ISPM”) br. 9 i primjeni sistemskog pristupa u skladu sa principima utvrđenim u normi ISPM br. 14.

(2) Izuzetno od stava 1 tačka b ovog člana Uprava može odlučiti da proširi poluprečnik, na osnovu informacija o infestaciji, gustini određenog bilja, porijeklu i/ili dužini trajanja izbijanja odnosno prisustva štetnog organizma (outbrak).

(3) Izuzetno od stava 1 tačka b ovog člana, kada Uprava zaključi da sječa nije primjerena za ograničeni broj pojedinačnog bilja zbog njegove posebne društvene, kulturne ili ekološke vrijednosti, to pojedinačno bilje podvrgava se mjesečnim pojedinačnim pregledima kako bi se pronašli znaci infestacije i preduzimaju se druge alternativne mjere koje nisu sječa, a koje obezbjeđuju visok nivo zaštite kako bi se spriječilo moguće širenje štetnog organizma sa tog bilja.

(4) O razlozima za postupanja iz stava 3 ovog člana i preduzetim mjerama Uprava obavještava Evropsku Komisiju u skladu sa članom 10 ovog pravilnika.

Krizni plan

Član 9

(1) Kriznim planom utvrđuju se mjere koje treba preduzeti na teritoriji Crne Gore radi:

a) iskorjenjivanja štetnog organizma u skladu sa članom 8 ovog pravilnika;

b) primjene mjera opreza prilikom premještanja određenog bilja, drveta i kore na teritoriji Crne Gore, u skladu sa Listom koja se odnosi na premještanje propisa Liste štetnih organizama bilja, biljnih proizvoda i objekata pod nadzorom (*Prilog VIII (EU) 2019/2072*);

c) službenih pregleda koje treba sprovesti pri premještanju određenog bilja, drveta i kore na teritoriji Crne Gore;

d) minimalnih resursa koji se stavljaju na raspolaganje kao i procedura radi stavljanja na raspolaganje tih dodatnih resursa u slučaju sumnje na prisustvo štetnog organizma ili potvrde njegovog prisustva;

e) pravila koja detaljno opisuju postupke za identifikaciju vlasnika bilja, drveta i kore koje treba uništiti, obavještavanja o nalogu za uklanjanje bilja i pristupanja privatnoj imovini.

(2) Krizni plan se ažurira do 31. decembra svake godine.

Izvjешtavanje

Član 10

(1) Uprava do 30. aprila svake godine Evropskoj Komisiji dostavlja izvještaj o preduzetim mjerama tokom prethodne godine u skladu sa ovim pravilnikom i o rezultatima mjera iz čl. od 3 do 9 ovog pravilnika.

(2) Rezultati posebnih nadzora u obilježenom području iz člana 6 ovog pravilnika, dostavljaju se Evropskoj Komisiji popunjavanjem tabele date u Prilogu 1 koji čini sastavni dio ovog pravilnika.

Stupanje na snagu

Član 11

Ovaj pravilnik stupa na snagu osmog dana od dana objavljivanja u „Službenom listu Crne Gore”.

* U ovaj Pravilnik prenijeta je Implementirajuća Regulativa Evropske Komisije (EU) 2024/434 od 5. februara 2024. o utvrđivanju mjera za sprečavanje odomaćivanja i širenja štetnog organizma *Agilus planipennis* Fairmaire na području Evropske Unije

PRILOG 1

Tabela za izveštavanje o rezultatima statistički baziranog godišnjeg posebnog nadzora

	Naziv	1. Opis obilježnog područja
	Datum uspostavljanja	
		2. Početna veličina obilježnog područja (ha)
		3. Ažurirana veličina obilježnog područja (ha)
		4. Pristup
		5. Zona
	Opis	6. Mjesta nadzora
	Broj	
		7. Vrijeme
	Biljna vrsta	8. Ciljana populacija
	Površina (ha ili druga relevantna jedinica	
	Jedinica pregleda	9. Epidemiološke jedinice
	Opis	
	Jedinica	10. Metoda detekcije
	Vizuelno ispitivanje	
	Postavljanje klopki	
	Testiranje	
	Druge metode	11. Efikasnost uzorkovanje
		12. Osjetljivost metode
	Faktori rizika	13. Faktori rizika (aktivnosti, lokacije i područja)
	Nivo rizika	
	Broj lokacija	
	Relativni rizici	
	Udio populacije bilja domaćina	
		14. Broj pregledanih epidemioloških jedinica
		15. Broj vizuelnih pregleda
		16. Broj uzoraka
		17. Broj klopki
		18. Broj mjesta sa klopama
		19. Broj testiranja
		20. Broj drugih mjera
	Pozitivni	21. Rezultati
	Negativni	
	Nedeterminirani	
	Broj	22. Broj notifikacija*
	Datum	
		23. Dostignuti nivo pouzdanosti
		24. Dizajn pouzdanosti
		25. Komentari

* Broj notifikacija o prijavljenim izbijanjima odnosno pojavama štetnog organizma, prema potrebi, u skladu sa Implementirajućom Regulativom (EU) 2019/1715 kada ova Regulativa bude primjenjiva u Crnoj Gori, a najkasnije danom ulaska u EU

Ispunjavanje Tabele za izvještavanje o rezultatima statistički baziranog godišnjeg nadzora iz ovog priloga vrši se u skladu sa sljedećim:

Objasniti osnovne pretpostavke za plan nadzora za štetni organizam. Rezimirati i obrazložiti:

- ciljanu populaciju, epidemiološku jedinicu i jedinice pregleda (*inspection units*),
- metodu otkrivanja i osjetljivost metode,
- faktore rizika, navodeći nivo rizika i odgovarajuće relativne rizike i proporcionalni udio populacije bilja domaćina.

Kolona 1:	Navesti naziv geografskog područja, broj rješenja o pojavi štetnog organizma ili bilo koja druga informacija koja može da identifikuje obilježeno područje i datum uspostavljanja.
Kolona 2:	Navesti veličinu obilježenog područja prije početka nadzora.
Kolona 3:	Navestie veličinu obilježenog područja poslije nadzora.
Kolona 4:	Navesti pristup: Iskorjenjivanje (eradication) ili suzbijanje/obuzdavanje štetnog organizma (containment). Koristiti koliko god je redova potrebno, u zavisnosti od broja obilježenih područja po štetnom organizmu i pristup tim područjima.
Kolona 5:	Navesti zonu obilježenog područja gdje se sprovodio nadzor, uključujući koliko god je redova potrebno: zaraženo područje (IZ) ili sigurnosno područje (BZ), upotrebom posebnih redova. Gdje je primjenjivo, navedite područje BZ gdje se nadzor sprovodio (npr. posljednjih 20 km uz BZ, oko rasadnika, i sl.) u različitim redovima.
Kolona 6:	Navesti broj i opis mjesta nadzora, izaberite jedan od sljedećih unosa za opis: 1. Otvoreni prostor (proizvodno područje): 1.1. polje (orance/obrađivo, pašnjaci); 1.2. voćnjaci/vinogradi; 1.3. rasadnik; 1.4. šuma; 2. Otvoreni prostor (drugo): 2.1. private bašte; 2.2. javna mjesta; 2.3. zaštićena područja; 2.4. divlje bilje u područjima osim zaštićenih; 2.5. drugo, sa specifikacijom pojedinačnog slučaja (npr. garden centri, komercijalna mjesta (sites) koja koriste drveni materijal za pakovanje, drvna industrija, močvare, mreža za navodnjavanje i drenažu i sl.); 3. Fizički zatvoreni uslovi: 3.1. staklenik/plastenik; 3.2. privatna mjesta, osim staklenika/plastenika; 3.3. javna mjesta, osim staklenika/plastenika; 3.4. drugo, sa specifikacijom određenog slučaja (npr. garden centri, komercijalna mjesta (sites) koja koriste drveni materijal za pakovanje, drvna industrija).
Kolona 7:	Navesti mjesec i godinu kada se nadzor sprovodio.
Kolona 8:	Navesti odabranu ciljanu populaciju i odgovarajuću listu vrsta/rodova domaćina i obuhvaćeno područje. Ciljana populacija definiše se kao skup jedinica za pregled (<i>inspection units</i>). Njena se veličina za poljoprivredna područja obično definiše u hektarima, ali može se definisati i u parcelama, poljima, staklenicima itd. Obrazložiti izbor u osnovnim pretpostavkama. Navesti nadzirane jedinice pregleda. „Jedinica pregleda” znači bilje, djelovi bilja, roba, drugi objekti i vektori štetnih organizama koji su pregledani radi identifikacije i otkrivanja štetnih organizama.
Kolona 9:	Navesti nadzirane epidemiološke jedinice, navodeći njihov opis i mjernu jedinicu. „Epidemiološka jedinica” je homogeno područje na kojem bi u slučaju prisustva štetnog organizma, interakcija štetnog organizma, biljaka domaćina, abiotičkih i biotičkih faktora i uslova, dovela do iste epidemiologije. Epidemiološke jedinice su potpodjele ciljane populacije koje su epidemiološki homogene i obuhvataju najmanje jednu biljku domaćina. U nekim se slučajevima cijela populacija domaćina u određenoj regiji/području/zemlji može definisati kao epidemiološka jedinica. To mogu biti regije statističke nomenklature teritorijalnih jedinica (NUTS), gradska područja, šume, vrtovi ruža, poljoprivredna gazdinstva ili hektari. Ovaj izbor se mora obrazložiti u osnovnim pretpostavkama.
Kolona 10:	Navesti metode upotrebljene tokom nadzora, uključujući broj aktivnosti u svakom slučaju, u zavisnosti od posebnih zakonskih zahtjeva za svaki štetni organizam. Upisati „nije primjenjivo” (N/A) ako informacije za određenu kolonu nisu dostupne.
Kolona 11:	Navesti procjenu efikasnosti uzorkovanja. Efikasnosti uzorkovanja je vjerovatnoća odabiranja zaraženih djelova biljke na zaraženoj biljci. U slučaju vektora, efikasnost metode je hvatanje pozitivnog vektora ako je prisutan na području nadzora. Za zemljište, efikasnost metode je vjerovatnoća odabiranja uzorka zemljišta koje sadrži štetni organizam ako je štetni organizam prisutan na području nadzora.
Kolona 12:	“Osjetljivost metode” je vjerovatnoća da metoda ispravno otkrije prisustvo štetnog organizma. Osjetljivost metode definiše se kao vjerovatnoća da će rezultat testiranja stvarno pozitivne biljke domaćina biti pozitivan. To je proizvod efikasnosti uzorkovanja (tj. vjerovatnoće odabira zaraženih djelova biljke na zaraženoj biljci) i osjetljivosti dijagnostike (karakterise ga vizuelni pregled i/ili laboratorijski test koji se upotrebljava u postupku identifikacije).
Kolona 13:	Navesti faktore rizika u različitim redovima, koristeći onoliko redova koliko je potrebno. Za svaki faktor rizika navesti nivo rizika i odgovarajući relativni rizik i udio populacije domaćina.

Kolona B:	Navesti detalje nadzora, u zavisnosti od specifičnih zakonskih uslova za svaki štetni organizam. Upisati „nije primjenjivo” (N/A) ako informacije za određenu kolonu nisu primjenjive. Informacije koje je potrebno navesti u ovim kolonama povezane su sa informacijama iz kolone 10. „Metode otkrivanja”.
Kolona 18:	Navesti broj mjesta postavljanja klopki ako se taj broj razlikuje od broja klopki (kolona 17.) (npr. ista se klopka upotrebljava na različitim mjestima).
Kolona 21:	Navesti broj uzoraka sa pozitivnim, negativnim ili neodređenim rezultatom. „Neodređeni” su oni analizirani uzorci za koje nije dobijen nikakav rezultat zbog različitih faktora (npr. rezultat ispod nivoa otkrivanja, neobrađen, neidentifikovan ili star uzorak itd).
Kolona 22:	Navesti notifikacije o izbijanju za godinu u kojoj je vršen nadzor. Broj notifikacija o izbijanju ne treba navesti ako je Uprava odlučila da obavještenje nije potrebno kada je poznato da se određeni štetni organizam pojavljuje na određenom području; kada je poznato da je određeni štetni organizam prisutan na određenom području; kada se utvrdi prisustvo karantinski štetnih organizama u zaraženom području obilježenog područja uspostavljenog u cilju suzbijanja štetnog organizma (containment); utvrdi prisustvo karantinskih štetnih organizama u zaraženom području obilježenog područja na koje se primjenjuju mjere iskorjenjivanja za koje je potrebno osam ili više godina, tokom tih prvih osam godina. U tom slučaju navesti razlog za ne navođenje broja notifikacije u koloni 25. („Napomene”).
Kolona 23:	Navesti osjetljivost istraživanja kako je definisano Međunarodnim standardom za fitosanitarne mjere (ISPM 31). Vrijednost postignutog nivoa povjerenja u pogled u statusa “slobodno od” štetnog organizma izračunava se na osnovu pregleda (i/ili uzetih uzoraka) s obzirom na osjetljivost metode i zadatu prevalencu.
Kolona 24:	Navesti zadanu prevalencu na osnovu procjene vjerovatne stvarne prevalencije štetnog organizma na polju prije nadzora. Zadana prevalenca utvrđena je kao cilj nadzora i predstavlja kompromis koji lica odgovorna za upravljanje rizikom prave između rizika prisustva štetnog organizma i resursa koji su dostupni za posebni nadzor. Za posebni nadzor za otkrivanje prisustva obično se postavlja vrijednost od 1 %.